

Broj: 02C-6760-12/24

Datum: 05.09.2024. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj 02C-6760-10/24 od 04.09.2024. godine, u postupku javne nabavke roba **Hirurški potrošni materijal (za potrebe operacione sale), JN 74/24**, direktor Javne ustanove Opća bolnica „Prim. dr. Abdulah Nakaš“, je donio

## **ODLUKU** **o izboru najpovoljnijeg ponuđača za LOT 2**

### **Član 1.**

Prihvata se Preporuka Komisije za nabavku, broj: broj 02C-6760-10/24 od 04.09.2024. godine za javnu nabavku roba – **Hirurški potrošni materijal (za potrebe operacione sale) za LOT 2 Potrošni materijal za potrebe laparaskopskih operacija kompatibilan opremi proizvođača Olympus, JN 74/24**, te se Okvirni sporazumi za javnu nabavku roba dodjeljuje ponuđaču „SEDŽAN-INGENERING“ d.o.o. Sarajevo, ponuda dostavljena dana 04.09.2024. godine, za ukupnu ponuđenu cijenu od 25.221,00 KM bez uračunatog PDV-a, odnosno 29.508,57 KM sa uračunatim PDV-om kao jedinom prihvatljivom ponuđaču na dvogodišnjem nivou.

### **Član 2.**

Postupak iz člana 1. ove Odluke proveden je metodom „otvoreni postupak za dostavu ponuda“, te je nakon otvaranja ponuda trebala biti provedena „E-aukcija“, a za izbor najpovoljnijeg ponuđača korišten je kriterij „najniža cijena“. Ugovorni organ je u Tenderskoj dokumentaciji predvidio provođenje E-aukcije.

### **Član 3.**

Nakon prijema i evaluacije ponuda konstatovano je da je ponudu za predmetnu nabavku dostavio 1(jedan) kvalifikovani ponuđač

### **LOT 2 Potrošni materijal za potrebe laparaskopskih operacija kompatibilan opremi proizvođača Olympus**

Sedžan-Ingengineering d.o.o. Sarajevo..... 25.221,00 KM

### **Član 4.**

#### **- Informacija o E-aukciji:**

Ugovorni organ je u tenderskoj dokumentaciji predvidio provođenje E-aukcije za LOT 4. Nakon prijema i evaluacije ponuda konstatovano je da je ponudu za predmetni lot dostavio 1 (jedan) kvalifikovani ponuđač.

U skladu sa članom 4. stav (2) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14 , 59/22 i 50/24).

#### **Član 5.**

Izabrani ponuđač „SEDŽAN-INGENERING“ d.o.o. Sarajevo, nije obavezan dostaviti originale ili ovjerene kopije dokumentacije iz člana 45. Zakona o javnim nabavkama, obzirom da je iste dostavio uz ponudu.

#### **Član 6.**

Prijedlog Okvirnog sporazuma dostavlja se na potpis izabranom ponuđaču uz Odluku o izboru najpovoljnijeg ponuđača.

#### **Član 7.**

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

#### **Član 8.**

Ova Odluka dostavlja se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama, te stupa na snagu u skladu sa odredbama Zakona o javnim nabavkama („Službeni glasnik BiH“ broj 39/14 i 59/22, 50/24).

#### **Obrazloženje**

Postupak javne nabavke sproveden je putem otvorenog postupka, broj tendera JN 74/24, a isti je pokrenut Odlukom o pokretanju postupka javne nabavke broj 02C-6760-4/24 od 12.07.2024. godine.

Javna nabavka je sprovedena putem otvorenog postupka, broj tendera JN 74/24.

Ukupna procijenjena vrijednost javne nabavke bez uračunatog PDV-a iznosila je 49.976,00 KM na dvogodišnjem nivou, odnosno po LOT-ovima kako slijedi :

1. LOT 1 – Potrošni materijal za potrebe laparaskopskih operacija kompatibilan proizvođaču Karl Storz – 24.755,00 KM
2. LOT 2 – Potrošni materijal za potrebe laparaskopskih operacija kompatibilan opremi proizvođača Olympus – 25.221,00 KM

Obavještenje o nabavci broj: 1125-1-1-214-3-253/24, na Portalu javnih nabavki objavljeno je dana 14.08.2024.godine, a u „Službenom glasniku BiH“ broj 55/24 od 16.08.2024. godine.

Komisija za provođenje postupka predmetne javne nabavke imenovana je Rješenjem o imenovanju Komisije za nabavku broj: 02C-6760-5/24 od 12.07.2024 godine.

Komisija za javnu nabavku, dostavila je direktoru Javne ustanove Opća bolnica „Prim. dr. Abdulah Nakaš“, Zapisnik o pregledu i ocjeni ponuda broj: 02C-6760-9/24 od 04.09.2024 godine, Preporuku o izboru najpovoljnijeg ponuđača broj: 02C-6760-10/24 od 04.09.2024 godine i Izvještaj o radu broj: 02C-6760-11/24 od 04.09.2024 godine.

U postupku po Izvještaju o radu Komisije, utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljena 1 ponuda
- da je blagovremeno primljena 1 ponuda
- da nije bilo neblagovremeno primljenih ponuda.

Analiza ponuda vezano za ispunjenje zahtjeva u pogledu opisa predmeta nabavke i tehničkih specifikacija:

Ponudač „SEDŽAN-INGENERING“ d.o.o. Sarajevo ispunjava sve tražene uslove u pogledu opisa predmeta nabavke i tehničke specifikacije za LOT 2, te je njegova ponuda uzeta u dalje razmatranje.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu dostavljene ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

Pripremila:  
Emina Turković, dipl.iur.,  
Stručni saradnik za javne nabavke

Kontrolisala:  
Amira Petrović, BA općeg prava,  
Šef odsjeka za javne nabavke

Dostaviti:  
- „SEDŽAN-INGENERING“ d.o.o. Sarajevo  
Igmanska bb, 71000 Sarajevo  
- Odjeljenje za ekonomsko finansijske poslove  
- Odjeljenje za tehničke poslove i investicije  
- Komisiji za javne nabavke



**DIREKTOR**  
**Prof.dr. Ismet Gavrankapetanović**